



Школьной  
библиотеке

*Николай Фролов*

# ЭЖВА ДОРЫН



~~1957~~ 1958 г.

*Коми книжной издательство*

• СЫКТЫВКАР •



*Сыктывкар*

---

Николай Фролов


ЭЖВА ДОРЫН



1958

Коми книжной издательство

• СЫКТЫВКАР •



## АВТОБИОГРАФИЯ

Чужи ме 1909 вося апрель 14 лунö Тентюково сиктын.

Мам-бать менам вöлины гöль крестьяна. Бать став том кадсö вöлöма батракöн, а мам быдмöма сирöтаöн рöдня ордас да джынвийöсö вöлöма батрачкаöн жö.

Керка миян вöли зэв ичöт. Тöвся туй турöб луньясö вöли кыптас сідзи, мый вöла мунигöн öшинь пыр вöли тыдалöны вöвъяслöн сöмын подковьясыс. А тулысын да гожöмын миян кодь бур керка этша вöли позьö аддзыны матигöгöрысь. Озырлуныс миян керкалöн вöли «сад» — кык льöм пу да кык пелысь пу. Тулыснас налöн еджыд розьясöн миян керка вöли тупкыссьö ставнас.

Велöдчи ме Тентюково школаын, а сы бöрын — Сыктывкарса II ступеня школаын.

1923 воö, кор ме велöдчи карын нин, ме пыри комсомолö, но эг школаса ячейкаö, а Тентюково сиктса ячейкаö. Сы бöрын регыд менам арлыда комсомолецьяслы коли «наследство» — нуны культурно-просветительной удж Тентюково школа бердын. Сэтчöдз тайö уджсö зэв бура нуисны миянысь ыджыдджык арлыда том йöз. Ог вермы шуны, уна-ö бурыс вöли миян уджысь йöзлы, но асьнымöс миянöс, комсомолецьясöс, тайö уджыс бура воспитайтис.

1927 воӧ ме муні Пермь карӧ да пыри велӧдчыны университетӧ. Велӧдчи ме физико-технической отделениын, а лыдди унджыксӧ поэзия йылысь книгаяс да важ поэтъяслысь произведенияс. Медводдза стихотворенияс, кытӧн вӧлі тӧдчӧ нин поэзиялысь законъяссӧ гӧгӧрвоӧм, ме гижі Пермын велӧдчигӧн. Сэки жӧ заводиті «Шыпичаӧс» гижны.

1931 восянь 1935 воӧдз велӧдчи Московскӧй государственнӧй университетын. Сэн ме вӧлі аспирантӧн. Нель во ме пункті математика велӧдӧм вылӧ. Поэзия эновтлі дзикӧдз.

1935 воӧ ме вои Сыктывкарӧ да куті уджавны Коми пединститутын. Сэки ме бара босытчи поэзияӧ. 1936 воӧ ме гижі поэма «Домна» да вылысь босытчи гижны «Шыпича».

1938 восянь 1955 воӧдз уджалі Горький карын, пединститутын, а 1955 восянь уджала Московскӧй Ленин ордена энергетическӧй институтын. Тайӧ карын ме гижі кымынкӧ лирической стихотворение да помӧдз вайӧді ассым медся ыджыд произведение «Шыпича».

Бӧръя дас воын поэзиялы верми вичмӧдны зэв этша кад сы вӧсна, мый уна кад ме пункті высшӧй математика велӧдӧм йылысь книгаяс гижӧм вылӧ.

## ТУЛЫС

Зельгö эзысь шыөн  
Гора варов шор,  
Ворсö сяркъяс гыөн,  
Тюргö изъяс дор.

Шоныд төлөн шоча  
Пöльыштлö пöсь му.  
Төвлы корйөн воча  
Серöктö веж пу.

Енэж кисьтö югөр,  
Кöдзö шондi сьöm.  
Дзользьö лэбач чукөр.  
Лым кодъ еджыд льöm.

## АСЫВ

Лөзъюгид. Асыввыв ломзё.  
Кыпөдчө кыа гөрд дон.  
Дышпырысь пальөдчө, ловзё,  
Узьөмысь садьмөма сён.  
Мыссьөдө дзоридзөс лысва,  
Кор вылысь чышкө бус рытсә.  
Багралө кыасянь ю.  
Вадорын вольсасьö ру.  
Ыркыд төв бадь корйөн ворсө,  
Вашкөдө: пуксьö нин лун,  
Гөгөр гаж, вөтлы зиль ун.  
Лэбачөн садьмөм вөр горзө.  
Лөнь сиктын, шойччө мудз йөз...  
Енэж нин шондіа, лөз.

## ГОЖСЯ ВОЙ

Лөзов рөмыд. Тöлысь югөр.

Лöнь.

Сю му вылын вөрлөн вуджөр.

Кыа — гөрд шөвк вöнь.

Кань моз мургём — узысь юлөн  
мойд.

Гуся сёрни төвкөд сүлөн.

Шоныд лола вой.

## АРСЯ ЗЭР

Киссьö-шивгö сьöd синваён арся зэр.  
Мыськö бусöсь, сардмём, сьодасьём му сер.

Тёпкö войтва, лыддьö кад.

Бөрдö лысваён льём сад.

Кысь и киссьö-шөтö помассьытём зэр?  
Шлюпкан кизер няйтөн шылясис му сер.

Пемыд тупкис, төбис лун.

Пуксис муö сьökыд ун.

## ТРАКТОР

Тувсов асылын сиктысь ме аддзи  
Войдөр тӧдлытӧм тшуплӧм туйвизь,—  
Сиктӧ карса ёрт воӧма, тадзи  
Сійӧ гижӧма ас йывсьыс висьт.

Кӧсйӧ уклад вӧв воймӧм сикт вежны,  
Вины, нетшкыны гӧльлунлысь вуж,  
Гӧрны му, оз мед некор нин эжмы,  
Нявда некор мед муӧ оз чуж.

Кӧсйӧ нюжӧдны, паськӧдны йӧръяс,  
Дзикӧдз вуштыны муяслысь бор,  
Потшӧс чераньвез, воймӧм пу гӧръяс  
Сиктысь варкӧдны мукӧд ёг сор.

Пӧсьла тиралӧ морӧсас сьӧлӧм,  
Ыджыд, тыдалӧ, ёртлиӧн вын эм.  
Мунӧ нӧровтчӧм керкаяс пӧлӧн,  
Пасйӧ, помасьӧ кытӧн важ нэм.

Уджалысь вына вӧв ловзьӧдӧ гажсӧ.  
Войдӧр аддзывтӧм бӧрсяыс визь  
Пасйӧ, мыйта нин венӧма важсӧ,  
Тшуплӧ туй вылӧ кось йылысь висьт.

1929 в.

## ЭН ВУНОД

Эн вунод,— дзоридзлөн веж корйыс,  
Кор рознас гажөдө му бор,  
Кор сійөс морт оз нетшышт борйысь,  
Кор вуждін дзоридзлөн оз ор.

Эн вунод,— бобув зарни сьöма,  
Кор сылөн ас вöля эз кус.  
А босьтан радейтны мед сöмын,  
Сы мичысь кольö киад бус.

Эн вунод,— лэбач гажла сьылö,  
Кор сійөс кывзö шонді, сёрд.  
Гаж бырö сыланкывйысь сылөн,  
Кор сійөс ворсны кыяс морт.  
Эн вунод некор збыльлун важ:  
Көн абу вöля,— абу гаж.

1941 в.

## ЭНДОМ РУЧ

(КЫТШОН БОРСАН ТЕШ)

Джуджыд сук вöрын оліс,  
Пемыд сук вöрын выліс  
Мича руч,  
Мелі руч.

Ручлөн мич ылөдз кывсис,  
Сылысь мич көч тшөтш кывліс,  
Полысь көч,  
Пөрысь пөч.

Воис көч,— пөрысь, дзөрысь,  
Вайис көч көвдум сьөрысь:  
— Ручө-чой,  
Көвдум сөй.

Кад тэд, руч, верөссайө.  
Пет тэ, руч, пиөй сайө.  
Дөзмис руч,  
Скөрмис руч:

— Абу ме көчкөд олысь.  
Көчлөн кын сьөлөм улысь.  
Тэд ме ань  
Вывті шань.

Воис ур ручө ордө,  
Көрө монь вылө гортө:

— Пи кодъ бур  
Мод оз сюр.  
Пет тэ, руч, верössайö.  
Тэнö, руч, пиЙ вайö.  
Дозмис руч,  
Скөрмис руч:  
Уна зэв көсьян, урöй.  
Верос мем бурджык сюрö.  
Тэд ме, ур,  
Вывті бур.  
Воис ош, шоньд пасьыс,  
Ошкис ош писö асьыс:  
— Менам пи —  
Веськыд ки.  
Менам пи шань быдногөн.  
Моньö тэ меным шогман.  
Дозмис руч,  
Скөрмис руч:  
— Эн тэ весь питö ошкы,  
Ме ог овмөдчы ошкөд,—  
Вывті лёк  
Ошлөн кок.  
Ручös коралысь быри.  
Арлыд вель уна тыри.  
Шогсьö руч,  
Эндөм руч,  
Локтö корасьны көин,  
Кыскö кок — чегөм тоин, —  
Збой көть зон,  
Веніс пон.  
Лои нимкодъ сэк ручлы.  
Öдйö ладмисны лючки.

1941 в.

## ПАРУС

Оз сән варыш лэчылд гыжъя  
Вөтөд лэбач чукөр, оз,—  
Лэбө ньылыд төлөн пыжа,  
Вундө гыяс пуртөн моз.

Оз збой каля сунлась, вартчы,  
Пожъяв лым кодь еджыд борд,—  
Гыкөд парус сәні гартчө.  
Веськөдлысьыс — повтөм морт.

Варыш синма, вына соя,  
Нинөм сылы помтөм лөз,  
Мед жө быгйөн гыис койө,  
Абу полысь пыжын йөз.

Повтөм сьөлөмалөн олөм  
Медся долыд, медся бур.  
Збоя водзө! Ёртъяс, колө  
Мортлы вылын кутны юр.

1941 в.

## КЫЙСЫСЬЯСЛӨН СЫЛАНКЫВ

Югыд яг, көн быдмө пожом,  
Тшөкыд козья пемыд сёрд  
Тулыс, ар и төв, и гожом  
Оз мудз дежмавны том морт.

Парма вёрын кыпыд ловлы.

Вөрлөн абу пом ни дор.

Юргы, йёсла, юргы, новлы

Кыйсысь мортлысь сылан гор.

Кыйсысь вёрын — кызди гортын,  
Сылы абу төдтөмин.

Став туйвизь и посни ордым

Аддзё кыйсысьлөн ёсь син.

Парма вёрын кокни ловлы.

Вөрлөн абу пом ни дор.

Юргы, йёла, юргы, новлы

Кыйсысь мортлысь сылан гор.

Кужам лыйны урлы синмө.

Вермам пуртөн кыйны ош.

Лэбысь пёткалы инмө,

Лыйём некор весь оз вош.

Парма вёрын долыд ловлы.

Вөрлөн абу пом ни дор.

Юргы, йёла, юргы, новлы

Майбыр мортлысь сылан гор.

## МЕ БАРА ВОИ ЧУЖАН МУО

Ме бара вои чужан муо.  
Пёсь чолём тэныд, чужанін!  
Со аддза тёдса пожом пуос.  
Тан ставыс гажөдө мем син.

Со пелысь, гөрд нин сылөн розйыс.  
Со быдмө ныв пу,— козлөн чой.  
Со водзын — дзормөм дзуртысь козьяс,  
Нэм мыйкө мойдöны лун-вой.

Тан парма вөр — кыз помтөм саридз,  
Он вермы вуджны, мун көть нэм.  
Вөр шувгө тулыссянь съод арөдз,  
Төв воас,— чуймас, ланьтас тшем.

А кутшөм югыд тувсов войö,  
Кор шондi саялыштлө сутш,  
Кор ойдөм Эжва кыркөтш койö,  
Кор мөдлапөлөдз син оз судз!

Эз дугдыв съөлөм татчö нуны.  
Тан ставыс гажөдө мем син.  
Ас му, он вермы некор вунны  
Пёсь чолём, муса чужанін!

1958 а.

# ДОМНА

(поэма)

*Партизанка-комсомолка  
Домна Каликова памятьлы*

## 1

Вөр тшөкыд сулалө туй пөлөн,  
Куш, кынмө коньөр кодь кыз пу.  
Ар лосьодчөма вуджны төлө,  
Со лымйөн саймовтчышто му.

Йи вевта Сыктыв, оз нин гыав,  
Дзор көдзыд төвсякодь нин ён.  
Сэзь асыв ломзёдөма кыа.  
Тшыг сиктын нора лявтө пон.

Туй кузя Сыктыв катыд подөн  
Йөз кайө. Кутшөм налөн мог?  
Винтовка сьорас, пицаль кодлөн,  
А кодлөн чер да пельк нянь ноп.

А ёсь төв öзтө, курччө лөддзөн,  
Сё зiөн чушкө чужөмбан.  
Йөз муно водзө, асья көдзыд  
Оз повзёд, падмөд найөс тан.

Көть омөль паськөм, абу арся,  
Пось биа сьөлөм, абу кын.

Йӧз тайӧ мунӧ Сыктывкарсянь,  
Мед мукӧд йӧзкӧд йитны вын.

Мед пыкны сылысь вирӧсь туйсӧ,  
Код лэчтіс гӧль йӧз вылӧ гыж,  
Английскӧй ружьеӧн код суйсьсӧ,  
Быд лун, быд воськов вӧчӧ мыж.

Но кодъяс, кодъяс тайӧ том йӧз?  
Кысь верман тӧдмавны став ним,  
Йӧз, кодлӧн палялӧма унъяс,  
Пыр содӧ лунысь лун, оз чин.

Дерт, тайяс ставныс челядь налӧн,  
Код эз вӧв пӧт, кӧть мырсис нэм.  
Кось эз кӧ панны тайяс талун,  
Тшӧтш налысь озыр перйис вем.

Со орчча зонъяскӧд том ныв,  
Кыз тувсов енӧж синъяс сылӧн.  
Сэзь асыв садьмӧдіс тшӧтш нылӧс,  
Кось йылысь чужтіс сыланкыв.

## 2

Петім ми каръясысь,  
Кыпӧдчим сиктъясысь,  
Ӧтувтчим

Вок котыр — сӧ кыла йӧз.

Лунъяс кӧть букыдӧсь,  
Вӧръясыс тшӧкыдӧсь,  
Аддзам ми:

Водзиас енӧжыс лӧз.

Ми пемыдын олім,  
Ми нэм чӧж пыр полім,  
И шог бӧрын виччысьлім шог.

Ми ёрим важ олём,  
Ми смертысь ог полёй,  
И шуд вёсна кось — миян мог.

Ваяс оз потшавны,  
Нюръяс оз падмөдны,  
Ковмас кө —

Му гөгөр кытшовтам ми.  
Лэчыд көть вой тёлыс,  
Көдзыд зэв лымъюжыс,  
Аддзам ми:  
Водзиас — кыалён би.

Ми пемыдын олим,  
Ми нэм чөж пыр полим,  
И шог бёрын виччысьлим шог.  
Ми ёрим важ олём,  
Ми смертысь ог полёй,  
И шуд вёсна кось — миян мог.

Ёнөсь кыз удж вылын,  
Збойөсь ми кось вылын,  
Йөз дорысь вынаыс  
Коді нө эм?

Кисьтам көть вирнымөс,  
Эновтім гортнымөс,  
Аддзам ми:  
Водзиас — шуда виль нэм.

Ми пемыдын олим,  
Ми нэм чөж пыр полим,  
И шог бёрын виччысьлим шог.  
Ми ёрим важ олём,  
Ми смертысь ог полёй,  
И шуд вёсна кось — миян мог.

Бур туйыс нывлөн, мамыс төдіс,  
 Бур нывлөн, төдіс, оласног,  
 Но кывйыс висьталіс дзик мөдөс,  
 Кор нылыс сылөн косьö мөдіс,  
 Кысь венан мам сьөлөмлысь шог.

— Тэ кытчö, мыйла муна, Домна?  
 Кось нуас олöма йөз мед.  
 Тэ зэв на этша олін, том на,  
 Эз вöвлы долыд некор тэд.

Эн төдлы гаж, эз вöвлы паськөм,  
 Тэд воас регыд бурджык лун.  
 Эн эновт мамтö, видзты асьтö,  
 Эн, Домна, кось вылö эн мун.

Ныв килы ружье көрт зэв чорыд,  
 Оз лөсяв кеслөм уклад дор.  
 Кад тэныд буретш вотны дзоридз,  
 Том кокөн талявны веж бор.

Кад тэныд буретш пукны войяс,  
 Рытгорув сьывны сьыланкыв.  
 Кось эштас — воасны бур вояс.  
 Зэв омөль отсөг косьын ныв.

Весь пуктан сөмын ассьыд ловтö,  
 Сы понда йөзлы бур оз сод.  
 Вай кывзы мамлысь, гортын ов тэ,  
 Мам сьөлөм шогөн тэ эн сот.

Сэк мамлы Домна вочавидзис:  
 — Выль йөзлөн выль тшөттш олан сям;  
 Оз вермы том йөз овны сідзи,  
 Кыдз налөн овлісны ай-мам.

Кад гольлы гөрөд горшсые разьны.  
Гаж гольлы войдөр вөвлі көн?  
Мый сыысь, волас көть и праздник,  
Кор вылад — дөра, абу көм...

Ныв кадын койлід синва соддзөн.  
Ті сьывлід, — сьылөм вөлі нор.  
Пыр чайтлід — шудыс нывлөн водзын,  
Кор сылы сюрө муса ьрт.

Весь вөвлі виччысьөмыс тайө,  
Эз лолыв ныв эскөмъяс збыль.  
Оз кокньөд мунөм верөссайө,  
Важ бердө содө шогыс выль:

Кор верөс мунө война вылө,  
Кор тшыгла челядь бөрдө, кылө,  
Пи муртса быдмас — салдатпу,  
Нэм пөсьөн вынсьөд вынтөм му.

Мый миян томлунъяслөн доныс,  
Кор мортног олөм эз на шед?  
Эз, вояс сэтшөм эз на воны,  
Войпукны серамсорөн мед.

Ме некор сы вылө ог ышты,  
Мед корсьны сьөкыд лунө сай,  
Шуд водзысь виччысьны йөз мышкын,  
Тшөтш менам кось вылын эм пай.

Эн бөрд, эн дивит, мамөй, менө,  
Кад тшөктө овны меным тадз...  
Ныв ачыс бөрдөм муртса венө,  
И воддза воськов сылөн надз.

## 5

Туй кузя вөла, пода кыссьө  
И лун, и войбыд, кызди гез.

Код Латкин «милöстьясысь» пышйö,  
А кодi петiс корсьны мез.

Лыд партизанъяслөн пыр содö.  
Öружье омöлик кöть мед,—  
Мез перйысь йöзöс венас кодi?  
Эз медөн кось вылö йöз пет.

Збой котыр потшны кöсйö сйöс,  
Код вирөн пöдтö Коми му,  
Код вайö коми йöзлы сйöс,  
Мед важмоз кульны йöзлысь ку.

И воис Комиö ён радлун  
Роч муса краснöй ён отрядөн,  
Сэк öдйö мезмис Сыктыв вож,  
Сэсь пышйис Латкин, пельк и чож.

Эн во тэ, Латкин, коми царöдз!  
Бөр лантьiс ыргөн мургöм — звөн,  
Скөнъ юсис спирт, мый вöли көн.  
Кызд вөр, тэ пышйин Сыктывкарысь.

## 6

Но Латкин пыксис Эжва сиктын  
Да зэвтiс сэн став бөрья вын.  
Кад воö гөрны, тулыс — дзик нин,  
А косьысь Эжвайыв эз мын.

Сэк шуис краснöйяслөн штабыс,  
Ён косьö дась мед вöли ставыс.  
И лэчмис сабля, штык йыв — ёсь.  
Зэв матын бөрья, вира кось.

Мед локтан косьыс венöм сетiс,  
Мед оз ло вир кисьтöма весь,  
Разведка вылö Домна петiс,  
Кöть штабын öлöдiсны сэсь.

Со, Домна воис белой тылө.  
 Бур отсөг сылөн — турөб вой.  
 Көть ёртгяс котыр коли ылө,  
 Но оз төд полөм, сьөлөм збой.

Со, шочмис вөр, туй кежис шорлань.  
 Шор сайсянь пуксьө колан сикт.  
 А со и керка, сиктысь торъя,  
 Кыр йылын сийө өтнас дзик.

Важ ичөт омөль керка нөрө,  
 Кыдз сьөкыд уджысь мудзөм кос.  
 Пыр сийөс олөм кыскө шорө,  
 Көть мырдысь пыксьө кильчө пос.

Тан олысь кодкө бара эм-ө?  
 Сэк мөвпыштіс да кежис ань.  
 Сэн оліс, сиктса ног, Көч Семө,  
 Гөль, висьлөс морт, но морт зэв шань.

Көч Семө лэдзис нылөс гортө,  
 Мед ичөт керка, сюрас ин.  
 А гөтыр вердыштіс туй мортөс,  
 Бур керан — овмөс сэсь оз чин.

Ун воштіс Семен, торксис узьөм,  
 Эз вөвлы варов татшөм нэм.  
 Оз оръяв сёрни сюрөс кузя,—  
 Пыр водзө выльтор нывлөн эм.

Мый керсьө ылі муын, рочын,  
 Мый вөсна колө нуны кось  
 Гөль йөзлы белөйяскөд воча,—  
 Дзик ставсө төдө, мый он босьт.

А Семен мойдө сиктса олөм,  
 Мый керө белөй чукөр сэн.

Тадз Домна тӧдмаліс, мый колӧ,  
Мый вермас кокньӧдыштны вен.

Сэк кильчӧ гольган сёрни торкӧ,  
И пырӧ Кыз Миронлӧн пи,  
Код ордын мырсыліс Кӧч коркӧ,  
Кор вӧлі вына сылӧн ки.

## 8

Ен бӧрын мӧдӧн Мирон вӧлі,  
А керка — вичко бӧрын мӧд.  
Джын сиктыс сы гӧгӧр нэм кӧліс,  
Сьӧд уджӧн перйис кынӧмпӧт.

Быд бурсӧ ӧктіс кӧть йӧз киӧн,  
Эм, мыйыс дум вылад оз усь,  
Но Мирон ошйысис ас пиӧн:  
Бать серти мудерджык да сюсь.

Кызд боки сиктысь воӧм понлӧн,  
Эз вӧвлы Мирон пилӧн ёрт.  
Лӧг петіс сы вылӧ ныв-зонлӧн,—  
Эз этша гаж том йӧзлысь торк.

Но сэсь-ӧ мыйысь, пемыд войын  
Кыз пилысь вежыньтісны вом,  
Нэм кежлӧ колисны кос сойӧн,  
И сэсянь Прокӧ — понйысь-пон.

Удж индіс сылы белӧй чукӧр:  
Кый, коді большевикъяс дор.  
Со мыйла сійӧс, кад кӧть сёр,  
Кӧч ордӧ вайис дзузган югӧр.

## 9

Кор пырис Прокӧ, пӧла вомнас,  
Кор кельдіс Семен, ланьтіс чӧв,

Сэк ставсö гөгөрвоис Домна,  
Но сьöрас ёртыс — «кольт» эз вöв.

Туй вылын вермас лоны шобсьöм,  
Öружье новлыны оз позь.  
Дерт эськö, öни Домна шогсьö,  
Мый сьöрас револьвер эз босьт.

— Кысь тэныд, Семö, татшöм акань?  
Ме чайтлі, мися, тан кöч поз,  
А вöлöм,— со öд, ерöмакань!  
Со кутшöм кисьмö тані оз...

Тадз Прокö гудралö лёк кылön,  
А зепсьыс перйö вöсни гез.  
Эз этша мортöс пöдты сылön,  
Кыз Мирон ставлön вирсь вез.

Дерт, Домна гөгөрвоö бура,  
Мый регыд ланьтас сьöлöм том,  
Мый коді белöйяслы сюрö,  
Пыр аддзö сійö öти пом.

Но век на тöждысьö кось вöсна,  
Враг йылысь юөр сетны кöсйö.  
Медбөрья мөвпьяс, бөрья шог,—  
Кыз вöчны помöдз босьтöм мог.

— Ме аддза,— шуö Домна,— сёрми,  
Тэ ордын, бур сьöлöма морт.  
Оз вун мед, Семен, миян сёрни,  
Тэ меысь бура тöдан сёрд.

Сэк нывлы Кызлön кулак инмö  
Да вирöдз зургö öдзöс вуг.  
Лөг ломзьö сэки Семен синмö,  
И юрас мөвпьяс сылön дзуг.

Кыз Прокö Домна бöрся муно.  
Лөг сотö Семенöс кыз би.  
А юрсö чарлаөн мөвп вундö:  
Со чер, босыт, сöt лөк понйöс, ви!..

Эз вермы полөм венны Семен:  
Öд сийö сöмын — голь морт, Кöч,  
Öд полөм чöжсис уна нэмөн,—  
Кöч нимсö новлис баты и пöч.

10

«Мый керсьö гөгөр, вöt-ö, вемöс,  
Кысь, мыйла татшөм гудыр кад?»  
Оз тырмы вежөрнас Кöч Семö,  
Скөнъ дзугсис сылөн олөм лад.

Кыз повзьөм пötка, лэбзис ойбыр,  
А юрын мөвпъяс — тувсов ном.  
«Кысь, кутшөм жөдзөм татшөм войбыд?  
Со, бара дзуртö кильчөпом».

И бара пырö Мирон Прокö,  
Гыр д синмөн былъгö коддзөм юр.  
Мый вайö сьöрсъыс, кутшөм лөкөс?  
Оз ветлы öтув ськөд бур.

— Көн Домна? — артмис Кöчлөн скöрысь.  
— Ныв? Офицерлы вöчö гаж!  
Зэв тшапөн коли көть ме сьöрысь,  
Но штабын вунö збойлун важ.

Со, Семö, козин тэныд вайи,—  
Гөрд вина ыстис еджыд штаб.  
Ми öтув тэкөд ректам тайöс.  
Мый ланьтін? Юам. Кутшөм тшап.

— Гөрд вина юны — ми вок гольöсь,  
— Тэ, Семö, озырман, эн пов.

— Ме куті гөгөрвоны вөлись,—  
Тэ көсъян ньөбны менсьым лов.

— Тэ, Семө, йөй, тэ — көч, тэ полысь.  
Тэ сөмын көсйы,— медбур олысь  
Сикт кузя лоан, Семө, тэ.  
Тэ ордын штабса могөн ме.

Важ олөм кыптис Семен водзө,  
Став кольөм лунлөн сьөд няйт сер.  
«Кад,— мөвпалө,— кад босьтны водзөс!»  
Син улө бара шеді чер...

— Ой,— повзис гөтыр,— мый нө керин!  
Тэ мортөс виин, Семен, грек!  
Но верөс бергөдчис кор черөн,  
Бөр ланьтис чуймөмысла сэк.

Эз ассьыс Семенсө төд Марпа,—  
Дон көртөн ломзьө сылөн бан.  
Тадз некор синъясөн эз чардав,  
Эз койлы би, кыздз өні тан.

— Эг мортөс,— гундырөс ме виин,  
Код нэм чөж пычкис йөзлысь вир!  
Эз этша морт лов пөдты сійө,  
Эз этша йөзлысь сьөлөм йир.

Ас олөм мустөм лои меным,  
Ме сеті пон чукөрлы ныв.  
Эг вермы полөм ассьым венны,  
Дыр йизьөм вежөрөй эз сыв.

Ен эм кө, меным сыысь грекыс,  
Мый сөрөн пані Кызкөд кось.  
Но сійө грек ме мынта регыд,  
Ме чер эг пунктөм вылө босьт.

Кор төвнас Эжва йи куд улын,  
 Кын эшкын вевта куйлө рам,  
 Он вермы эскины, мый тулыс  
 Дзик төдтөдз вежас сылысь сям:

Йи вывсьыс пазьяс, ыдждас, туас  
 И восьтас видзьяс вомөн туй,  
 Мый сюрө паныд лөптыс — нуас,  
 Оз кытчөдз саридз ваө суй.

Кор Семен мырсис кынөмпөтысь,  
 Кыдз лёк вөв, Мирон ордын, дерт,  
 Эз некод чайт, мый коркө модьысь  
 Көч лэптас Кызлы паныд чер.

Дыр, кузя чөжис лөгсө Семен,  
 Лөг чөжсис бать и пөчьяс нэмөн,  
 Но воис кад, — он сійөс дор! —  
 Кыдз тувсов ытва — оз төд дор.

Пон шойөн Прокө куйлө шорын.  
 Лёк турөб — ярмөм еджыд ош.  
 Мед Семен туйө петис сөрөн,  
 Оз, сюрөм ордым оз нин вош.

Март төлысь сямнас — кызди кага:  
 Лёк төлөн ымзө-бөрдө, скөр,  
 Лым чашйө, пуркйө, нуө ягө,  
 Он төдлы — бурасьома бөр.

Со, войбыд собалис сикт гөгөр,  
 А талун нюмъялө нин март.  
 Со, шонді ыръялө, кызд өгыр,  
 Руд кымөр сійөс оз нин гарт.

Лөз рөма енэж синтө ёрө.  
Лым — зарни бикиньясөн тыр.  
Со, пышкой чипсө, ёртсө корө,  
Кызд төвнас, шонтысьны оз пыр.

Том войтыр — челядь сиктын жөдзө,  
Дерт, мустөм талун паччөр бус.  
Оз йөрт нин гортө найөс көдзыд,  
Оз регыд дзользьөм налөн кус.

Но көн нө татшөм гажа лунө,  
Мый керө мян ёрт — том ныв?  
Йөз локтө краснойяслөн уна,  
А сьылөм Домналөн оз кыв.

Оз тыдав сийө ёртъяс радын,  
Оз накөд мезмөм сиктөд мун.  
Көн сийө долыд, шуда кадын,  
Кор ыджыд венөн пансис лун?

Дзор коз пу улын, Эжва дорын,  
Вир гөптын куйлө сылөн шой.  
Збой сьөлөм кусі, олөм ори,  
Кор вөлі помасьө нин вой.

Лым вольпась вылын Домна узьө,  
А вывті тюргө дзоля ёль,—  
Дзор коз пу кисьтө лапъяс кузя,  
Кызд, гашкө, мамыс, синва моль.

А, гашкө, тайө долыд синва,  
Мый бара тулыс, енэж — лөз,  
Мый эмось кустөм, кувтөм нимъяс,  
Оз вунөд найөс мезмөм йөз.

## СО Д Е Р Ж А Н И Е

Автобиография . . . . .	5
Тулыс . . . . .	7
Асыв . . . . .	8
Гожся вой . . . . .	9
Арся зэр . . . . .	10
Трактор . . . . .	11
Эн вунёд . . . . .	12
Эндём руч . . . . .	13
Парус . . . . .	15
Кыйсьысьясёлн сыланкыв . . . . .	16
Ме бара вои чужан муё . . . . .	17
Домна . . . . .	18

---

*Николай Андрианович Фролов*

## НА ВЫЧЕГДЕ

на коми языке

Оформление М. Безносова

Редактор С. Морозов

Техн. редактор И. Оплеснин

Сдано в набор 9/IX-1958 г. Подписано к печати 23/IX-1958 г. Формат 84×108<sup>1/32</sup>—  
0,5 бум. лист. 1,64 печ. лист. (Уч.-изд. лист. 0,94.) Тираж 2000. Заказ № 2761.  
Ц01649. Коми книжное издательство. Дом печати. Цена 35 коп.

---

г. Сыктывкар, Республиканская типография Полиграфиздата  
Министерства культуры Коми АССР



С 1/1-1961 года

Цена..... р. <sup>11</sup>/<sub>100</sub> к.

35 к.